

Definición d'os seminarios

Seminario 1

Tetulo: L'aragonés n'ò mundo vechetal.

Director: Rafael Vidaller Tricas

Calendata: 28 d'octubre de 2017

Perfil d'os partizipans: Amans d'a naturaleza e d'a lengua aragonesa. Mayestros, informadors de naturaleza, tetulaus forestals, achens rurals e publico en cheneral.

Contenius e treballo: L'obchetivo prinzipal d'iste seminario ye conoixer los nombres en lengua aragonesa, zientificos e en atras lenguas, d'un conchunto d'espezies vechetals. A més d'ixo, se dará conoiximiento d'atros aspectos relacionaus:

- hábitats
- morfolochía
- orichen
- etc.

L'activitat se fará en primeras en dos puestos d'o mon, bien zerqueta d'a localidat de Berga (Berguedà): 1) Lo camín zircular d'o Santuario de Santa Maria de Queralt, que nos ufre la oportunitat de vesitar bosques de solana e de paco, a més de disfrutar de grans envistas; 2) La selva de ribera de La Font Negra.

Finalment, de tardes, en una instalazió cultural de Berga, lo director fará una presentazió d'as suyas investigazions con o tetulo "O lescico d'a flora en aragonés dende l'antropolochía lingüística".

Discusión sobre posibles proyectos colaborativos

Lo seminario tendrá tamién un tiempo espezialment adedicau pa presentar e discutir ideyas u propuestas de proyectos colaborativos entre los partizipans. Un proyecto posible ye un estudio comparau de toponimia e vechetazió. Atros proyectos podrían estar de tipo fotografico, taxonomico, compilatorio como catalogos en aragonés de plantas medizinals e d'os suyos usos n'a soziedat rural...

Preu d'a inscripió: 15 €

Material complementario: Programa detallau, mapas, itinerario en formato kml.

Atras informazions: Si querez fer nueit en Berga, podez preguntar en: [Alberg de Berga](#), c/ Vila de Casserres, 5. Tel. 93.821.40.89 u tamién n'ò Càmping Berga Resort, ctra. C-16, km. 96. Tel. 93.821.03.83.